



Dis da litteratura
Ralf Beer
Pulvermühlestrasse 22
7000 Cuir

info@disdalitteratura.ch
www.disdalitteratura.ch

Communicaziun a las medias

Ils **30avels Dis da litteratura** han lieu dals 5 fin ils 7 da november 2021.

Durant l'ediziun da giubileum vegn festivà e sa regurdà, prelegì e preschentà, ma era discutà e guardà en il futur. La litteratura avra vias, enchamina straduns da bellezza e streglias stgiras, enconuscha vias pulainas e stat savens al spartavias. Adina puspè va ella giud via e sa metta cun gust sin ils fastizs dal nunenconuschent, da l'invisibel, da l'emblidà. E la litteratura rumantscha? Nua è ella sin u giud via?

En ina discussiun litterara cun l'autura **Flurina Badel**, cun la linguista ed editura **Silvana Derungs** e cun il professor da litteratura e cultura rumantscha **Rico Valär**, moderada da **Claudio Spescha**, vegn dilucidà il preschent ed il futur da la litteratura rumantscha.

Ulteriurs puncts culminants dals 30avels Dis da litteratura, che mussan medemamain differentas vias co s'occupar da la litteratura rumantscha, furman ils blocs da GIUBILECTURA: in microfon, in palc, ina vusch. Per il giubileum da 30 onns Dis da litteratura fa il comité dals Dis da litteratura in regal spezial al public. El ha incumbensà 9 autur:as da scriver in text persunal davart il tema «litteratura ed jau». I legian: **Gianna Olinda Cadonau, Iso Camartin, Gion Mathias Cavelty, Gerold Ehrsam, Asa Hendry, Göri Klainguti, Angelika Overath, Leo Tuor, Benedetto Vigne.**

Era vegn la relaziun tranter autur:a e litteratura tematisada durant la premiera dal film *Computer, cafés e crisis – l'art da scriver* da **Bertilla Giossi** (RTR, Cuntrasts).

Il 30avel Dis da litteratura cumpiglian però era blers elements festivs e da regurdientscha, per exempel in omagi teatral-musical cun **Sara F. Hermann**, **Flurin Caviezel** ed in giast da surpraisa u er il concert da giubileum cun cumposiziuns da **Clo Duri Bezzola**, in dals fundaturs dals Dis da litteratura. Per l'avertura dal festival ha ses figl **Martin Bezzola** arranschà las chanzuns per ina band ad hoc.

Sper questa schelta returna era puspè la concorrenza da scriver *Plima d'aur/Pledpierla* da la Lia Rumantscha als Dis da litteratura. Sa chapescha porscha il festival era quest onn ina plattafurma per novas ediziuns (Tschespet 78, Chasa paterna 139, Chasa Editura Rumantscha), quest onn da **Viola Cadruvi**, **Anna Ratti**, **Romana Ganzoni**, **Rut Plouda**, **Daniele Dell'Agnola** e **Laura Schütz**. In ulteriur punct culminant è la vernissascha dal cudesch nov biling da l'autur renumà **Franz Hohler** ord la Chasa Editura Rumantscha.

Il program detaglià dals Dis da litteratura 2021 chattais en l'annexa u era sin nossa pagina www.disdalitteratura.ch.

Cun cordials salids

Per il comité dals Dis da litteratura

Ralf Beer

beer@disdalitteratura.ch

+41 79 481 45 86